



Ministry of Civil Affairs

Broj: 08-31-1-386-AA/18
Sarajevo, 14.08.2019. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Organizaciona jedinica	Klasifikaciona oznaka	Redni broj	Broj priloga
01,02,03-	31 -	1498/19	

PARLAMENTARNA SKUPŠTINA
BOSNE I HERCEGOVINE

PREDMET: Obavijest o zaključku Vijeća ministara BiH, *dostavlja se*,

Poštovani,

U skladu sa aktom Generalnog sekretarijata Vijeća ministara Bosne i Hercegovine broj: 05-07-1-1191-42/19 i zaključkom Vijeća ministara sa 173. sjednice, održane 10.06.2019. godine, dostavljamo Izveštaj o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu.

S poštovanjem,



Prilog:

- akt Generalnog sekretarijata Vijeća ministara BiH;
- Izveštaj o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu.

Dostaviti:

- naslovu;
- a/a.

Izvještaj o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini"

za 2018. godinu

Članom 10. Zakona o budžetu institucija Bosne i Hercegovine i međunarodnih obaveza Bosne i Hercegovine ("Službeni glasnik BiH", broj 8/18) propisano je da će na prijedlog Ministarstva civilnih poslova Bosne i Hercegovine (u daljem tekstu: Ministarstvo), Vijeće ministara Bosne i Hercegovine utvrditi kriterije za raspored sredstava namijenjenih za tekući grant "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu.

Također članom 10. stav (3) Zakona o budžetu institucija Bosne i Hercegovine i međunarodnih obaveza Bosne i Hercegovine, propisano je da su u svojim periodičnim izvještajima, proračunski korisnici posredstvom kojih se realiziraju ovi grantovi, dužni dostaviti izvještaj o namjenskom utrošku ovih sredstava u rokovima propisanim članom 22. Zakona o finansiranju, a na temelju izvještaja krajnjih korisnika tekućih grantova.

Imajući u vidu navedeno, Vijeće ministara Bosne i Hercegovine je donijelo *Odluku o kriterijima za dodjelu sredstava iz tekućeg granta "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu* ("Službeni glasnik BiH, broj 55/18) (u daljem tekstu: *Odluka o kriterijima*). Ministarstvo je pripremio Izvještaj o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu kako slijedi:

1. Kriterij za raspored sredstava namijenjenih za tekući grant "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu

Vijeće ministara Bosne i Hercegovine je donijelo Odluku o kriterijima, kojom su utvrđeni kriteriji i druga pitanja vezana uz dodjelu sredstava iz tekućeg granta "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu.

Cilj dodjele grant sredstava je podrška projektima koji doprinose implementaciji ključnih aktivnosti definisanih Tranzicijskim planom za HIV i Tranzicijskim planom za tuberkulozu. Indikatori učinka su razrađeni u skladu s namjenom sredstava, koji su definisani u Odluci o kriterijima. Izvori verifikacije za utvrđivanje učinka su narativni izvještaji uz koje se kao dokazi dostavljaju izvještaji medija, zapisnici, zabilješke sa događaja kojima prisustvuju predstavnici Ministarstva, i sl. Broj korisnika preventivnih i promotivnih usluga koji su na direktan ili indirektan način imali korist od svakog pojedinačno podržanog i realiziranog

projekta predstavlja pokazatelj uspješnosti realizacije ukupnog granta i rezultat ostvarenja postavljenog cilja.

Pravo na dostavljanje projektnog prijedloga, na osnovu objavljenog konkursa, imali su sljedeći pravni subjekti u Bosni i Hercegovini:

- a) Udruženja registrirana u Bosni i Hercegovini minimalno pet godina, čija je jedna od djelatnosti provođenje preventivnih i promotivnih aktivnosti u oblasti HIV-a i drugih preventivno promotivnih aktivnosti u oblasti zdravstva;
- b) Pravna lica registrirana u Bosni i Hercegovini minimalno pet godina čija je jedna od djelatnosti provođenje aktivnosti na zdravstvenom prosvjeđivanju stanovništva i druge aktivnosti u vezi sa tuberkulozom.

Kriteriji za vrijednovanje podnesenih projekata su:

- a) kvalitet projekta i njegov doprinos implementaciji aktivnosti definiranih *Tranzicijskim planom za HIV i Tranzicijskim planom za tuberkulozu*, i to kroz povećanje učešća i pristupa preventivnim uslugama;
- b) finansijski i operativni kapaciteti aplikanta, uključujući procjenu realiziranih projekata/programa u protekle tri godine, do sada ostvarena saradnja s međunarodnim partnerima i članstvo u međunarodnim i evropskim mrežama i asocijacijama;
- c) održivost projekta i projektnih rezultata u periodu nakon završetka projekta;
- d) izvodljivost projekta, projektnih aktivnosti, jasna povezanost cilja projekta s projektnim aktivnostima, broj korisnika koji su obuhvaćeni projektom;
- e) troškovna efektivnost aktivnosti, odnosno usklađenost predviđenih troškova sa ukupnim budžetom projekta i jasna vidljivost traženih sredstava za svaku od planiranih aktivnosti u okviru projekta.

Na osnovu člana 9. stav (1) Odluke o kriterijima, ministar civilnih poslova Bosne i Hercegovine Rješenjem broj: 08-31-1-386/18, od 20.09.2018. godine, imenovao je Komisiju za razmatranje primljenih projekata na osnovu objavljenog javnog konkursa za tekući grant „Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu (u daljem tekstu: Komisija) (u daljem tekstu: Javni konkurs) u skladu sa Rješenjem. Zadatak Komisije je bio da efikasno i pravovremeno izvrši sve zadatke u skladu sa uslovima koji su utvrđeni u Odluci o kriterijima.

Nakon zatvaranja Javnog konkursa, Komisija je pristupila radu u skladu s Rješenjem o imenovanju i održala četiri sastanka. Na Javni konkurs, putem pošte, pristiglo je ukupno sedam prijava. Komisija je na sastancima izvršila uvid u sve primljene prijave i prijedloge projekata za dodjelu sredstava za sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini za 2018. godinu, u skladu sa Odlukom o kriterijima, te je izvršila procjenu ispunjenosti administrativnih i tehničkih kriterija za prijavu. Na sastanku održanom 08.11.2018. godine, konstatovano je da pet (5) prijava ispunjava administrativno-tehničke kriterije, te se pristupilo vrijednovanju projekata. Svih pet članova Komisije, na osnovu formirana dva kriterija za bodovanje, posebno za HIV, a

posebno za tuberkulozu, izvršili su evaluaciju svih pet projekata prema *Evaluacionom obrascu*, koji je sastavni dio Odluke o kriterijima. Kriteriji za vrijednovanje obuhvataju: tematske kriterije, finansijske i operativne kapacitete aplikanta, relevantnost projekta, efektivnost i izvodljivost aktivnosti, održivost aktivnosti i ciljeva, te budžet i troškovnu efektivnost aktivnosti. Kreirane su dvije tabele evaluacije, posebno za HIV, a posebno za tuberkulozu, sa listom aplikanata prema bodovima, te predloženi iznosi za dodjelu sredstava. Za dodjelu sredstava predloženi su oni projekti koji su ostvarili 55 i više bodova. Ukupan broj uspješnih aplikanata čiji su projekti bodovani sa 55 i više bodova je pet, i to tri za oblast HIV-a i dva za oblast tuberkuloze, i isti su predloženi za finansiranje. Komisija je sačinila prijedlog Odluke o dodjeli sredstava iz granta za sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini za 2018. godinu, i predložila ministru Adilu Osmanoviću da se ista uputi u proceduru usvajanja od strane Vijeća ministara Bosne i Hercegovine, a kako je utvrđeno u članu 9. stavu (8) Odluke o kriterijima.

Vijeće ministara Bosne i Hercegovine, na 161. sjednici održanoj 13.12.2018. godine, donijelo je Odluku o dodjeli sredstava iz tekućeg granta „Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu (*„Službeni glasnik BiH“*, broj 94/18) (u daljem tekstu: Odluka o dodjeli). Sredstva u iznosu 50.000,00 KM dodijeljena su za pet (5) subjekata.

Odluka o dodjeli sredstava je objavljena na web stranici Ministarstva civilnih poslova BiH i Službenom glasniku BiH. Subjekti koji nisu zadovoljili administrativno-tehničke kriterije i nisu ušli u dalju proceduru za razmatranje primljenih projekata, obaviješteni su pismenim putem o razlozima neispunjavanja istih. Ministarstvo civilnih poslova je pripremlilo ugovore o korištenju dodijeljenih sredstava. Svi pojedinačni ugovori čija vrijednost iznosi 10.000,00 KM i više, upućeni su na mišljenje Pravobranilaštvu Bosne i Hercegovine (ukupno tri ugovora). U Odluci o kriterijima i ugovorima sa korisnicima sredstava, detaljno su razrađene obaveze u pogledu namjenskog utroška dodijeljenih grant sredstava i načina pravdanja doznačenih sredstava kako u pogledu finansijskog dijela (adekvatnom finansijsko-računovodstvenom dokumentacijom u skladu sa važećim zakonskim propisima iz ove oblasti), tako i učinka dodijeljenih sredstava. Prije zaključivanja ugovora, korisnici sredstava su obaviješteni (elektronski i telefonski) o Odluci Vijeća ministara BiH i odobrenim sredstvima, te pozvani da dođu u prostorije Ministarstva i dostave revidirane budžete u skladu s odobrenim sredstvima i u skladu s budžetom u okviru aplikacije dostavljene na Javni konkurs, kao i podatke o periodu implementacije (početku i završetku projekta), koji su potom uneseni u ugovor. Svi korisnici granta su potpisali ugovore i sredstva su im prebačena na tekuće račune.

2. Izvještaj o utrošku sredstava

U skladu sa članom 10. stav (3) Zakona o budžetu institucija Bosne i Hercegovine i međunarodnih obaveza Bosne i Hercegovine za 2018. godinu (*„Službeni glasnik BiH“* broj: 8/18), korisnici sredstava su dužni Ministarstvu dostaviti izvještaje o namjenskom utrošku

sredstava prema Obrascu za narativni izvještaj i Obrascu za finansijski izvještaj, koji su sastavni dio Odluke o kriterijima.

U Odluci o kriterijima definisani su rokovi u pogledu izvještavanja. Korisnik sredstava dužan je završni narativni i finansijski izvještaj dostaviti najkasnije u roku od 30 dana od dana završetka projekta prema gore navedenim obrascima. Polugodišnji izvještaji dostavljaju se prema Obrascu za narativni izvještaj i to najkasnije do 25.01. i 20.07.

Korisnik sredstava je dužan da vodi odvojenu i preciznu finansijsku dokumentaciju, tako da se sva plaćanja i troškovi načinjeni prema odobrenom projektu lako mogu identificirati. Korisnik sredstava je dužan da čuva originalne računovodstvene knjige i originalnu finansijsku dokumentaciju, te da u slučaju potrebe iste učini dostupnim za razmatranje i kontrolu od strane Ministarstva ili bilo kog drugog lica koje ovlasti Vijeće ministara Bosne i Hercegovine ili bilo kog drugog zakonom ovlaštenog organa.

Kontrola realizacije odobrenih projekata se vrši po njihovom završetku na bazi dostavljenog kompletnog narativnog i finansijskog izvještaja. Kontrola uključuje:

- a) analizu narativnog izvještaja o realizaciji projekta koju vrši Sektor za zdravstvo u Ministarstvu i na bazi koje se utvrđuje učinak realiziranog projekta, te
- b) analizu finansijskog izvještaja koju vrši Komisija za finansijsku kontrolu.

Komisiju za finansijsku kontrolu izvještaja imenuje ministar civilnih poslova Bosne i Hercegovine. Komisija se sastoji od pet članova, od kojih je jedan predsjednik, i sekretara Komisije, koji pruža administrativno-tehničku podršku radu Komisije. Članovi Komisije za finansijsku kontrolu ne mogu biti osobe koje su učestvovala u radu Komisije za evaluaciju projekata. Stručno-analitičku podršku Komisiji za finansijsku kontrolu u postupku kontrole realizacije odobrenih projekata pruža Sektor za zdravstvo, što se detaljnije utvrđuje kroz donošenje internog uputstva od strane Ministarstva.

Ukoliko se ukaže potreba, Komisija za finansijsku kontrolu će odlaskom u sjedište korisnika sredstava, ostvariti uvid u cjelokupnu dokumentaciju. Za projekte koji su podržani sa iznosom 15.000,00 KM i više Ministarstvo učinak utvrđuje i kroz prisustvo predstavnika Ministarstva u prostorijama korisnika grant sredstava, o čemu se sačinjava zabilješka i prilaže uz obrazac za narativni izvještaj. U skladu s mogućnostima, predstavnik Ministarstva isto čini i za korisnike sredstava koji su dobili sredstva manja od 15.000,00 KM.

Ukoliko Komisija kod korisnika sredstava, u izvještavanju, utvrdi greške tehničke prirode, koje podrazumijevaju nepravilno popunjene Obrasce za izvještaje i slične tehničke greške, korisnik sredstava se obavještava pisanim putem, ili putem fax-a ili telefonom, o potrebi otklanjanja utvrđenih nedostataka u roku od 15 dana od prijema obavještenja. Ako korisnik sredstava u zadanom roku ne otkloni nedostatke, Ministarstvo upućuje zahtjev korisniku sredstava da izvrši povrat cjelokupnog iznosa doznačenih sredstava, u roku od 30 dana od dana kada Ministarstvo pisanim putem to od njega zatraži. Ukoliko se sredstva ne uplate u navedenom roku pokreće se postupak pred nadležnim organom protiv aplikanta koji

nije opravdao doznačena sredstva i zabranjuje se učešće na konkursima koje raspisuje Ministarstvo, u periodu od tri godine.

Ukoliko se ustanovi nenamjensko trošenje doznačenih sredstava, aplikant je dužan izvršiti povrat cjelokupnog iznosa doznačenih sredstava na Jedinostveni račun trezora Bosne i Hercegovine u roku od 30 dana od dana kada Ministarstvo pisanim putem to od njega zatraži, u suprotnom pokrenut će se postupak pred nadležnim organom protiv aplikanta koji nije opravdao doznačena sredstva i zabranjuje se učešće na konkursima koje raspisuje Ministarstvo, u periodu od tri godine.

Ukoliko korisnik nije utrošio cjelokupna doznačena sredstva za realizaciju odobrenog projekta, dužan je da izvrši povrat neutrošenih sredstava uplatom istih na Jedinostveni račun trezora Bosne i Hercegovine, u roku od 30 dana od dana završetka projekta uz obrazloženje. Ukoliko se sredstva ne uplate u navedenom roku pokreće se postupak pred nadležnim organom protiv korisnika sredstava, koji nije opravdao doznačena sredstva i zabranjuje se učešće na konkursima koje raspisuje Ministarstvo, u periodu od tri godine.

Subjekti kojima su dodijeljena sredstva u obavezi su da, u roku od 30 dana od dana završetka projekta, dostave finansijski izvještaj Ministarstvu civilnih poslova Bosne i Hercegovine o utrošku dodijeljenih sredstava. Obzirom da je 31.03.2019. godine termin najranije završenog projekta, Komisija za finansijsku kontrolu će početi sa radom tek od 01.05.2019. godine, te s tim u vezi, ovaj Izvještaj ne sadrži informaciju o učinku podržanih projekata.

Polazeći od naprijed navedenog, predlaže se Vijeću ministara Bosne i Hercegovine, da nakon razmatranja Izvještaja o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu donese slijedeće:

ZAKLJUČKE

1. Usvaja se Izvještaj o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu;
2. Zadužuje se Ministarstvo civilnih poslova Bosne i Hercegovine da Izvještaj o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu dostavi Parlamentarnoj skupštini Bosne i Hercegovine;
3. Zadužuje se Ministarstvo civilnih poslova Bosne i Hercegovine da kontinuirano vrši kontrolu namjenskog utroška grant sredstava iz oblasti zdravstva za 2018. godinu i da, nakon realizacije svih podržanih projekata, dostavi informaciju Vijeću ministara BiH.

OBRAZLOŽENJE

I PRAVNI OSNOV

Pravni osnov za dostavljanje Izvještaja o dodijeljenom tekućem grantu sadržan je u članu 12. stav (9) Odluke o kriterijima za dodjelu sredstava iz tekućeg granta „Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu (*“Službeni glasnik BiH”, broj 55/18*) prema kojem Ministarstvo civilnih poslova Bosne i Hercegovine najkasnije do 31.03.2019. godine dostavlja detaljan izvještaj Parlamentarnoj skupštini Bosne i Hercegovine o dodijeljenom tekućem grantu “Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu, putem Vijeća ministara Bosne i Hercegovine.

II RAZLOZI ZA PRIHVATANJE IZVJEŠTAJA

Na osnovu člana 10. stav (1) zakona o Budžetu institucija Bosne i Hercegovine i međunarodnih obaveza Bosne i Hercegovine za 2018. godinu (*“Službeni glasnik BiH”, broj 8/18*) i člana 17. Zakona o Vijeću ministara Bosne i Hercegovine (*“Službeni glasnik BiH”, br. 30/03, 42/03, 81/06, 76/07, 81/07, 94/07 i 24/08*), na prijedlog Ministarstva civilnih poslova BiH, Vijeće ministara BiH, na 147. sjednici, održanoj 25. juna 2018. godine, donijelo je Odluku o kriterijima za dodjelu sredstava iz tekućeg granta “Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu (*“Službeni glasnik BiH”, broj 55/18*) (u daljem tekstu: Odluka o kriterijima), kojom su utvrđeni kriteriji, uslovi i način za dodjelu sredstava iz tekućeg granta „Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu.

Stupanjem na snagu Odluke o kriterijima, Ministarstvo civilnih poslova BiH je objavilo Javni konkurs za dodjelu sredstava iz tekućeg granta „Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu (u daljem tekstu: Javni konkurs).

Na osnovu člana 9. stav (1) Odluke o kriterijima, ministar u Ministarstvu civilnih poslova Bosne i Hercegovine, imenovao je Komisiju za razmatranje primljenih projekata na osnovu objavljenog Javnog konkursa (u daljem tekstu: Komisija). Nakon što je pregledala, razmotrila i vrijednovala projekte prema kriterijima i bodovima navedenim u *Evaluacionom obrascu*, a koji je sastavni dio Odluke o kriterijima, Komisija je pripremila Prijedlog Odluke o dodjeli sredstava iz tekućeg granta “Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu.

Vijeće ministara Bosne i Hercegovine, na 161. sjednici održanoj 13.12.2018. godine, donijelo je Odluku o dodjeli sredstava iz tekućeg granta "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu (*"Službeni glasnik BiH", broj 94/18*), te je Ministarstvo civilnih poslova Bosne i Hercegovine, 28.12.2018. godine potpisalo Ugovore sa subjektima kojima su odobrena sredstva.

U skladu sa članom 12. stav (9) Odluke o kriterijima, propisana je obaveza Ministarstva civilnih poslova BiH da najkasnije do 31.03.2019. godine dostavi detaljan izvještaj Parlamentarnoj skupštini Bosne i Hercegovine o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu, putem Vijeća ministara Bosne i Hercegovine.

III FINANSIJSKA SREDSTVA

Za realizaciju Odluke o kriterijima, obezbijedena su sredstva u Budžetu institucija Bosne i Hercegovine i međunarodnih obaveza Bosne i Hercegovine za 2018. godinu, na poziciji Ministarstva civilnih poslova „Tekući transferi i grantovi“, te dodatna sredstva za prihvatanje i realizaciju Izvještaja o dodijeljenom tekućem grantu "Sufinansiranje projekata nevladinih organizacija u oblasti prevencije HIV-a i tuberkuloze u Bosni i Hercegovini" za 2018. godinu, nisu potrebna.



ASNU /
Amle

1962
23-07-2019

Broj: 05-07-1-1191-42/19
Sarajevo, 10. 6. 2019. godine

08

БОСНА И ХЕРЦЕГОВИНА
МИНИСТАРСТВО ЦИВИЛНИХ ПОСЛОВА
САРАЈЕВО
- n/r tajniku Ministarstva -
Trg BiH 1
71000 Sarajevo

ПРИМЉЕНО: 24-07-2019			
Органи одлучује	Класификациона ознака	Радни број	Свој прилог
08-51-1		586	12

PREDMET: Obavijest o zaključku Vijeća ministara BiH

Vijeće ministara Bosne i Hercegovine, na 173. sjednici održanoj 10. 6. 2019. godine, razmotrilo je Izvješće o dodijeljenom tekućem grantu „Sufinanciranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu te u vezi s tim zaključilo:

- usvaja se Izvješće o dodijeljenom tekućem grantu „Sufinanciranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu;
- zadužuje se Ministarstvo civilnih poslova Bosne i Hercegovine da Izvješće o dodijeljenom tekućem grantu „Sufinanciranje projekata nevladinih organizacija u oblasti prevencije HIV-a i tuberkuloze u Bosni i Hercegovini“ za 2018. godinu dostavi Parlamentarnoj skupštini Bosne i Hercegovine;
- zadužuje se Ministarstvo civilnih poslova Bosne i Hercegovine da kontinuirano vrši kontrolu namjenskog utroška grant sredstava iz oblasti zdravstva za 2018. godinu i da nakon realizacije svih podržanih projekata dostavi informaciju Vijeću ministara Bosne i Hercegovine.

O zaključku vas informiramo radi njegove provedbe.

S poštovanjem,

DOSTAVLJENO:
-naslovu
- a/a

